



XALQ DEPUTATLARI SURXONDARYO VILOYATI ANGOR TUMAN KENGASHINING QARORI

190200, Angor q, Al-Hakim at-Termiziy ko`chasi 58-uy, tel.: 0(376) 31-22-012, faks: 0(376) 31-22-012

2023 - yil 11 - may

VI-61-88-8-109-K/23

Angor tuman hokimligi

Angor tumani Kambag'allikni qisqartirish va bandlik bo'limi boshlig'ining hokim yordamchilari faoliyat samaradorligi tahlili yuzasidan hisoboti to'g'risida

O'zbekiston Respublikasi Prezidentining 2021-yil 3-dekabrda "Mahallada tadbirkorlikni rivojlantirish, aholi bandligini ta'minlash va kambag'allikni qisqartirish masalalari bo'yicha hokim yordamchilari faoliyatini tashkil etish chora-tadbirlari to'g'risida"gi PQ-31-son qarorida berilgan topshiriqlar ijrosini ta'minlash, sohada amalga oshirilgan ishlar yuzasidan ma'lumot kiritib borish belgilangan. Shuningdek, O'zbekiston Respublikasi Prezidentining 2021-yil 3-dekabrda "Mahallada tadbirkorlikni rivojlantirish, aholi bandligini ta'minlash va kambag'allikni qisqartirish bo'yicha davlat siyosatining ustuvor yo'nalishlari to'g'risida"gi PF-29-sonli Farmoni va shu asosida ishlab chiqilgan O'zbekiston Respublikasi Prezidentining PQ-31-sonli va 24-dekabrda PQ-62-sonli qarorlari asosida tumanda hokim yordamchilari faoliyati tashkil qilindi. Angor tumani Kambag'allikni qisqartirish va bandlik bo'limi boshlig'i U.Qosimovning "2023-yil 1-chorakda hokim yordamchilarining faoliyat samardorligi tahlili to'g'risida"gi hisoboti eshilib, deputatlar tomonidan bildirilgan fikr-mulohazalarni inobatga olib, O'zbekiston Respublikasi "Mahalliy davlat hokimiyati to'g'risida"gi Qonunining 6 va 24-moddalariga muvofiq, xalq deputatlari Angor tumani Kengashi

QAROR QILADI:

1. Angor tumani Kambag'allikni qisqartirish va bandlik bo'limi boshlig'i U.Qosimovning "2023-yil 1-chorakda hokim yordamchilarining faoliyat samardorligi tahlili to'g'risida"gi hisoboti ma'lumot uchun qabul qilinsin.

2. Sektor rahbarlari (Q.Mardonov, S.Ramazonov, S.Choriyev, N.Sharipov), tuman hokimining birinchi o'rinbosari (O.Muratov), tuman Kambag'allikni qisqartirish va bandlik bo'limi boshlig'i (U.Qosimov):

- aholi muammolari va murojaatlar bilan ishlash faoliyatidagi kamchiliklarni bartaraf qilishga hamda mansabdor shaxslarning mas'uliyatini oshirish;

- ijtimoiy himoyaga muhtoj oilalar bilan yakka tartibda suhbatlar o‘tkazish, “xonadonbay” yurish faoliyati samaradorligini oshirish;
- mahallalarga kelib tushgan murojaatlarda ko‘tarilgan muammolarning tub mohiyatiga yetib borilishiga jiddiy e‘tibor qaratish;
- mahallalarni namunali mahallaga aylantirish bo‘yicha chora-tadbirlar rejasi ishlab chiqish;
- mahallalarda tadbirkorlikni rivojlantirishning ichki imkoniyatlari, tadbirkorlik bo‘yicha ixtisoslashuv va mehnat resurslarini inobatga olgan holda uni rivojlantirishga turtki beradigan omillar va yo‘nalishlarni belgilash, ularni ishga solish orqali mahallaning iqtisodiy rivojlanishini ta‘minlash;
- doimiy daromad manbaiga ega bo‘lmagan va ishsiz aholining, ayniqsa, yoshlar va xotin-qizlarning qiziqishlarini o‘rganish orqali ularni kasb-hunar va tadbirkorlikka o‘rgatuvchi o‘quv markazlariga yo‘naltirish hamda o‘qishni tamomlagan bitiruvchilarning bandligini ta‘minlashga yordam berish;
- mahallalardagi mavjud bo‘sh ish o‘rinlarini hamda xo‘jalik yurituvchi subyektlarning mavsumiy ishchilarga bo‘lgan talabini aniqlash orqali ishsizlarni, birinchi navbatda, “Temir daftar”, “Ayollar daftari” va “Yoshlar daftari”ga kiritilgan yoshlar va xotin-qizlarni bo‘sh (vakant) ish o‘rinlariga joylashtirish hamda haq to‘lanadigan jamoat ishlariga jalb qilish;
- mahallalarda istiqomat qiluvchi aholining oilaviy tadbirkorligini rivojlantirish, jumladan, ularning hunarmandchilik, kasanachilik, tomorqadan samarali foydalanish, kichik ishlab chiqarish, xizmat ko‘rsatish va boshqa turdagi faoliyatini yo‘lga qo‘yishi uchun oilaviy tadbirkorlik dasturlari doirasida kreditlar olishda ko‘maklashish;
- mahallalarning ixtisoslashuvidan kelib chiqib, kooperatsiya asosida tadbirkorlik faoliyatini yo‘lga qo‘yish istagini bildirgan yetakchi tadbirkorlarga imtiyozli kreditlar ajratishni tashkil etish, ularga tadbirkorlik bilan mustaqil shug‘ullanish tajribasiga ega bo‘lmagan fuqarolarni o‘z faoliyatini yo‘lga qo‘yishi uchun ularga birlashtirish;
- mahallalardagi bo‘sh bino va yer maydonlarini aniqlab, ularni belgilangan tartibda tadbirkorlik subyektlariga ajratish bo‘yicha tegishli tashkilotlarga takliflar kiritish;
- har kuni bitta mahallaga chiqqan holda kamida o‘nta xonadonga shaxsan tashrif buyurib, mavjud holatni hokim yordamchilari bilan birga o‘rgangan holda aholiga amalga oshirilayotgan davlat siyosati va islohotlarning mazmun-mohiyatini tushuntirish;
- tadbirkorlik faoliyatini amalga oshirishga to‘siq bo‘layotgan muammolarning (muhandislik-kommunikatsiya tizimlariga ulanish va ulardan foydalanish, turli xil

faoliyatni yoʻlga qoʻyish uchun ruxsatnomalar va litsenziyalar olish, boʻsh bino va yer maydonlarini tadbirkorlik bilan shugʻullanish uchun ajratish va boshqalar) tegishli tashkilotlar tomonidan hal etilishini tashkil etsin.

3. Tuman Kambagʻallikni qisqartirish va bandlik boʻlimi boshligʻi (U.Qosimov):

- mahallalarda hokim yordamchilari tomonidan amalga oshirilayotgan ishlarni talab darajasida tashkil etishni nazoratga olsin;

- xalq deputatlari tuman Kengashi doimiy komissiyasi tomonidan mahallalardagi hokim yordamchilari faoliyatini oʻrganish va bu haqida xalq deputatlari tuman Kengashiga 15 kun muddatda yozma axborot kiritish topshirilsin.

4. Tuman hokimining birinchi oʻrinbosari (O.Muratov), tuman Kambagʻallikni qisqartirish va bandlik boʻlimi boshligʻi (U.Qosimov)ga:

- tumandagi 36 ta mahallaga biriktirilgan hokim yordamchilarining faoliyati bilan bogʻliq har bir holatni va ular tomonidan bajarilishi shart boʻlgan ishlar boʻyicha kunlik nazorat oʻrnatish hamda amaliy yordam berish choralarini kuchaytirish;

- oʻrganish natijasida hokim yordamchilari oʻzlariga yuklatilgan vazifalarning toʻlaqonli ijrosini taʼminlash borasida amaliy yordam bermagan tashkilot va idoralar rahbarlariga nisbatan qonun doirasida taʼsir choralarini koʻrish yuzasidan tuman hokimiga asoslangan takliflar kiritib borish;

- har oy yakuni bilan hokim yordamchilari faoliyati oʻrganilib, eng past koʻrsatkichga ega hokim yordamchisining ish faoliyatini tahlil qilib borish vazifalari yuklatilsin.

5. Amalga oshirilgan ishlar natijadorligi yuzasidan **har chorak yakuni** bilan tuman Kengashiga yozma hisobot berib borish vazifasi yuklatilsin.

6. Tuman hokimligi axborot xizmati va “Angor yogʻdusi” gazetasi tahririyati (G.Jumayeva)ga mahallalarda tadbirkorlikni rivojlantirish, aholi bandligini taʼminlash va kambagʻallikni qisqartirish boʻyicha olib borilayotgan ishlarni muntazam ravishda ommaviy axborot vositalari orqali yoritib borish tavsiya etilsin.

7. Mazkur qaror ijrosini nazorat qilish tuman sektor rahbarlari hamda xalq deputatlari tuman Kengashining doimiy komissiyalari zimmasiga yuklatilsin.

8. Ushbu qaror qabul qilingan kundan eʼtiboran kuchga kiradi.

Kengash raisi



Q.Mardonov